



**Jen Bureejtōn
Henry B. Eyring**
Rikakipilōklōk eo Kein Kajuōn
ilo Bureejtōnji eo Kein Kajuōn

Ewi Ʒap In Am₃ Naaj Lañlōñ

Jet lañlōñ ko ilo mour rōmḡan im eto kitieier jān jeļā bwe kwaar jipañ ro jet bōk jeļlaaktok eo an kojpeļ eo an Jisōs Kraist ilo būruweer. Ilo an wōr lañlōñ jab in ej iien emḡan an kajjojo membōr ro an Kabuñ in. Ke jaar peptaij, jaar kōmḡane juon kallimur “ñan jutak āinwōt ri kaḡool an Anij ilo aolep men otemjeļok, im ilo aolep jikin ko [jej] maroñ in pād ie, im bōnbōn ippān ro ilo jerkakpeje eo ḡoktata, bwe [jen] maroñ bōk mour indeeo” (Mosaia 18:9).

Aolep membōr ro rej bōk ḡōttan kien eo an Kabuñ in ñan bōk kojpeļ eo an Jisōs Kraist ñan laļ in, jabdewōt jikin im toon wōt aer mour. Irooj eaar alikkar an ba: “Lo, Ikar jilikinļok eok ñan kaḡool im kakkōl armej, im ekōmḡan bwe aolep armej ro me emōj aer kar kakkōl er ñan kakkōl ro riturin” (D&C 88:81). Mijinede ro rej jermal aolep-raan rej aikuj in wōr aer kajoor ñan katakin ro rejañin membōr in Kabuñ in. Membōr ro an Kabuñ in ej aikuj wōr aer kajoor ñan pukōt ro Irooj ekar kōpooj er ñan an mijinede ro katakin.

Jej aikuj in kōjermal tōmak eo ad bwe Irooj en kōpooj armej ro ipeļakid ñan katak. Ejeļā wōn er im ñāat eo rej pojak, im Emaroñ tōl kōj ñan er kōn kajoor eo an Jetōb Kwojarjar im letok ñan kōj naan ko ñan karuwaineneik er ñan katak. Kallimur eo Irooj eaar leļok ñan mijinede ro ilo 1832 ej barāinwōt kallimur eo Ekar letok ñan kōj ilo

ad eddo ñan pukōt armej ro repojak ñan katak jān mijenede ro: Eaar ba enaaj jilikintok ioon e Rikainōmḡan, eo enaaj katakin e ḡool eo im iaļ eo e aikuj in etal ie ļok, im eļañne ekar tiljek, Enaaj bar kōpeļpeļ e kōn kūraun (D&C 79:2–3).

Im kalimḡur eo kōn lañlōñ eļap ñan mijinede eo etiljek ej barāinwōt ad āinwōt membōr ro retiljek me rej leļok būruwieer ñan jermal in mijinede.

Irooj eaar ba bwe eļañne lañlōñ eo ad enaaj ļap kōn juon jetōb eo me jej bōktok ñan E ilo aelōñ in kiiñ eo an Jemen, ewi joñan naaj lañlōñ eo ad eļañne jej bōk elōñ jetōb ko ñan E!

Ewōr ippād kojpeļ eo An iḡaad, im deka eo An, im loḡoḡ eo An.

Eļañne jej kajjitōk ippān Jemen ilo Etan, ilo tōmak bwe jenaaj bōke, enaaj wōr ippād Jetōb Kwojarjar, eo ej kwaļok aolep men ko me rej aorōk ñan ro nejin armej (lale D&C 18:16–18).

Ilo kakobaba ñan Jetōb Kwojarjar ñan jipañ kōj kile im karuwainene ro repojak ñan katakin, Irooj ekar kūr im katakin ritōl ro ñan tōl kōj. Ilo juōn leta kar je ilo Pāpode 28, 2002, Bureejtōnji eo Kein Kajuōn ekar kōļapļok eddo in jermal in mijinede ioon bisop ro im ward ko.¹ Kōn jipañ eo an ward ak branch koḡnjeļ eo, kamiti eo eutie j an priesthood ej ejaake juon karōk in mijinede ñan iunit

eo. Ilo karōk eo ej kwaļok ekōjkan an membōr ro maroñ lo ro repojak ñan katakin jān mijinede ro. Ewōr juōn armej kar ñaetan āinwōt ritōl jerbal in mijinede an ward ak branch. Ritōk jerbal in mijen eo epaake mijinede ro rej jerbal aolep raan im rikkatak ro aer.

Elōñ wāween ko remaroñ emḡanļok aḡ tōpar eddo eo aḡ make ñan jipañ lo armej ro ñan mijinede ro ñan katakin. Wāween eo epidodo tata enaaj emḡan tata.

Jar ñan tōl jān Jetōb Kwojarjar. Kōnono ippān ritōl ro ijo jokwe ie im mijinede ro, kajitōk kōn ļōmḡak ko aer im kalimḡur er kōn jipañ eo aḡ. Kōketak ro rej bōk kuḡaer ippān ilo jerbal in. Im erom juon rikamool ilo iien otemjej ilo ta eo kwoj ba im kōmḡane bwe Jisōs ej Ri Kraist eo im bwe Anij ej uwaaki jar ko.

Ij kamool bwe Jetōb Kwojarjar enaaj tōl eok ñan ro rej pukōt mool eo ilo aḡ jar im jerbal ñan tōl jab in. Im Ijeļā jān eñjake bwe aḡ lañlōñ enaaj aitok kitien ippān ro rej kālōt ñan bōk kojpeļ eo ilo būrūwieer im niknik ilo tōmak.

KAKEMEMEJ

1. Lale "News of the Church: Ward and Branch Missionary Work Emphasized," *Liaona*, Okw. 2002, 4.

KATAKIN JĀN ENNAAN IN

- *Teaching, No Greater Call* ej katakin kōj ñan kōketak ro rej katakin ñan kōmḡani menin kōttōpar ko ñan jipañ er mour kōn pedped ko rekar katak (lale peij 159). Ippān baamle eo, ļōmḡak ñan kile kōjeramḡan ko an jerbal in mijeinede āinwōt kar kwaļoki jān Būreejtōn Eyring im, eļañne imḡwe, karuwaineneik baamle eo ñan kōmḡani menin kōttōpar ko ñan kwaļok kojpeļ eo.
- ļōmḡak in ekōnono ippān baamle eo kōn wāween ko ñan kwaļok kojpeļ eo, kememej kapilōk eo an Būreejtōn Eyring me "wāween eo epidodo tata enaaj emḡan tata." Ñan katak eļapļok kōn ekōnono eo, lale *Teaching, No Greater Call*, peij 160.

JODIKDIK

Mijinede ro Rellōñ ilo Mour eo Aō

Jen Elizabeth S. Stiles

Jabōt eo jinoin tata Ikar pād ilo imōn jar eo ippān mijinede ro, Ikar kile armej ro Ikar rūttoļok ippāer im kar jeļā kajier jān jukjuk in pād eo. Ikar loe juōn iaan ro mōtta remḡan tata jān jikuuļ, rūjeje ro an elementary

im high school jimor, juon leddik eo me Ikar jab lukkun emḡan ñan e ilo iio ko remootļok, im juon likao eo laar ḡooj aō kōḡaan.

Rein kajjojo eaar wōr juon eñjake eo aitok kitien ippa. Eo mōtta emḡan tata eaar juōn jiroñ eo eļap an mool, im kōnke kōn e laar kālōt ñan wōnḡaanļok wōt in iaroñroñ e Kabuñ in. Rijeje ro me rekar kememej eō jān jikuuļ kar jipañ eō bwe in jeļā ke Ij aorōk. Ikar katak kōn iakwe eo emḡan im iakwe eo emool jān jiroñ eo eaar bōk eō jekdoon ḡwil lāaj eo aō ñan e jemḡaanļok. ļaddik eo laar lukkuun kōḡaan ke laar jiroñ wōt eaar kōmḡan waanjoñak emḡan, laar kile meram eo an im kar kōḡaan pād wōt iturin.

Eñjake kein raar jipañ eō katak bwe, meñe ḡoktak jān aō kar jinoin ioon mijinede ro, Jemedwōj Ilañ eaar kōpooj eō ñan bōk kojpeļ eo kōn armej ro Eaar likūt ipeļaaḡ. Jān er Ikar katak bwe men ko reddik jej kōmḡani remaroñ ļap kilaer. Aorōk tata eo, Ikar katak bwe jerbal in mijinede ej ijino ippa.

AJRI RO

Kojpeļ eo—juon Menin Leļok ñan Kwaļok

Naan eo *kojpeļ* ej meļeje in aolep katak ko im kaiñi ko kar litok ñan kōj jen Jisōs Kraist im rikanaan ro An. Kojpeļ eo ej āinwōt juon iieb eobrak kōn menin letok ko jān Jemed Ilañ. Komaroñ jipañ leļok menin letok kein ñan armej ro jet. Ippān ro komaroñ kwaļok menin letok eo an kojpeļ in?

Riiti kajjojo eoon kein an jeje ko rekwojarjar im kōmḡane juon laajrak ak jiña in jet iaan menin letok ko me rej koba ilo kojpeļ eo.

1. Jemes 5:14–15
2. Mosaia 16:6–7
3. 3 Nipai 18:1–10
4. D&C 20:72–73
5. D&C 33:16
6. D&C 89:4, 18–21
7. D&C 132:46
8. D&C 137:10
9. D&C 138:32–34

© 2011 jān Intellectual Reserve, Inc. Aolep jimwe rej pād ippān. Jeje ilo Amedka. Kōmālim kajin English eo: 6/10. Kōmālim ukook eo: 6/10. Ukook eo an *First Presidency Message, February 2011*. Marshalllese. 09762 874



Tōmak • Baamle • Deor

Jepļaaktok eo an Aolep Men

Ekkatak kein katak kein im, ñe ekkar, ekōnono kaki ippān jijtōr ro kwōj loļok er. Kōjberbal kajjitōk ko ñan jipañ eok kōkajoor loļok jijtōr ro am̄ im ñan kōm̄man bwe Doulul eo an Kōrā en juōn mōttan eo emourur ilo mour eo am̄ make.

Rikanaan Joseph Smith ekar ejaake Doulul eo an Kōrā āinwōt juōn mōttan eo eorōk an Kabuñ in. Āinwōt juon būreejtōnji, kōmj kōjatdikdik kōm maroñ jipañ kom̄ mejele etke Doulul eo an Kōrā ej juon mōttan mour eo ami eorōk.

Jejeļā bwe kōrā ro ilo Kalim̄mur Ekāāl raar kwaļok tōmak ilo Jisōs Kraist im kar bōk kuñaer ilo jermal eo An. Luk 10:39 ej kōnono kōn Mary, eo ekar jijtō iturin neen Jisōs, im kar roñ naan ko an. Ilo Jon 11:27 Martha ekar kwaļok mool kōn Kraist: Ej ba ñan E, Aet, Irooj: Iar tōmak bwe Kwe Ri Kraist, Nejin Anij, Eo ej itok ñan laļ. Jermal 9:36, 39 kōnono kōn “juon rū kaļor etan Tabitha, . . . e obrak kōn jermal ko rem̄man. . . . Im kōrā ro otemje e jako pāleir rej jutak ippān im jañ . . . kwaļok nuknuk ko im kopā ko [liin] ear kōm̄mani.” Pibe, ilo Rom 16:1–2, eaar “juon ri karijer ilo eklejia” im “juōn rijipañ elōñ.”

Joñak kein an tōmak, naan in kamool, im jermal in jipañ rej wōnmaanļok wōt ilo Kabuñ in ilo raan kein āliktata im raar eļļā kōn ejaak eo an Doulul eo an Kōrā. Julie B. Beck, būreejtōn eo utiej an Doulul eo an Kōrā, eaar katakin: “Ejja āinwōt an kar Rilōm̄or eo kar

karuwaineneik Mary im Martha ilo Kalim̄mur Ekāāl ñan bōk kūnaer ilo jermal eo An, kōrā ro an epepen in ewōr juon kakien eo emōj kapene ñan bōk kuñaer ilo jermal eo an Irooj. . . . Ejaak eo an Doulul eo an Kōrā ilo 1842 kar ejaake kajoor eo an eļap an kōrā ro im ijitōn ko aer make ñan kalōk aelōñ in kiin eo an Irooj.”¹

Jen kadedeļok jermal eo ad ilo ad kalimjōk wōt kōttōpar ko an Doulul ko an Kōrā: ñan kōļapļok tōmak im wānōk ko an juon make, kōkajoorļok baamle ko im mōko, im pukōt im jipañ ro rej pād ilo aikuj.

Ij kamool bwe Doulul eo an Kōrā kar ejaak ilo kwojarjar ñan jipañ ilo jermal in lōmōor eo. Kajjojo jejtōr ro ilo Doulul eo an Kōrā ewōr juon aer jermal eorōk ñan kadedeļok jermal in ekwojarjar.

Silvia H. Allred, rikakipilōklōk eo kein kajuōn ilo būreejtōnji eo eutie an Doulul eo an Kōrā.

Jān Jeje ko Rekwojarjar

Joel 2:28–29; Luk 10:38–42; Epesōs 1:10

Jān Bwebwenato eo Ad

Jejtōr Julie B. Beck eaar katakin bwe “jejeļā bwe kōn Rikanaan Joseph Smith Doulul eo an Kōrā

eaar juon mōttan wōt Jepļaaktok eo.”² Jekjek eo an jepļaaktok eo eaar jinoe kōn Loļok eo Kein Kajuon ilo 1820 eo im eaar wōnmaanļok wōt “ļain im bar ļain, naan in kaiñi im bar naan in kaiñi” (D&C 98:12). Ke Doulul eo an Kōrā ekar ejaak ilo M̄aaj 17, 1842, Rikanaan eo ekar katakin kōrā ro kōn aorōk in jikin eo aer ilo Kabuñ in eaar jepļaaktok. Eaar ba, “Kabuñ in ejañin kar juon doulul eo eweppān m̄ae iien eo kōrā ro raar ejaak.”³

KAKEMEMEJ KO

1. Julie B. Beck, “Kakūrmoool Kōttōpar eo an Doulul eo an Kōrā,” *Liaona*, Nob. 2008, 108.
2. Julie B. Beck, “Kakūrmoool Kōttōpar eo an Doulul eo an Kōrā,” 108.
3. *Teaching of President of the Church: Joseph Smith* (2007), 451.

Ta Eo Imaroñ Kōm̄mane?

1. Ta jipañ eo Imaroñ in leļok ñan jijtōr ro aō ilo allōñ in me ej kwaļok tōmak eo an kōrā ro rikaļoran Jisōs Kraist?

2. Ta katak eo an kōjpeļ eo eaar jepļaaktok Inaaj ekkatak ñan kōkajoorļok naan in kamool eo aō ilo allōñ in?

Ñan mejele ko rellōñļok, etal ñan www.reliefsociety.lds.org